

finde ich nichts, was dieser Vermuthung widerspräche, die darin angeführten Kirchenväter waren Einhard sicherlich bekannt, auch die Sprache gibt keinen Anstoss. Ich möchte ihm daher dieses Schriftchen mit eben solcher Zuversicht zuschreiben, als als ich nicht zweifle, dass die rhythmische Passio SS. Marcellini et Petri auf ihn zurückgeführt werden darf.

QUESTIO DE ADORANDA CRUCE.

Cum a te propositam mihi, carissime Lupe, de adoranda cruce questionem solvere et curiositati tuae, quamvis animo oppido perturbato, satisfacere conarer, orta est ex ipsa, quam facilem existimaveram, solutione questio longe validior atque amplexior, de adorando videlicet¹ deo et de quibus invocandus atque precandus sit, quoniam si aliter vel aliud, quam debeat, petatur, non est mirum, si oratio nostra non exaudiat, aut hoc quod impetrare cupimus, non obtineatur. Dicit enim Iacobus²: 'Petitis et non accipitis, eo quod male petatis'; et apostolus ad Romanos³: 'Quid', inquit, 'oremus sicut oportet nescimus'. Hinc⁴ mihi videtur ingentem nobis incumbere necessitatem ut videamus et intelligamus, quid sit iuxta verba Iacobi male petere et secundum Pauli vocem, quid oretur, sicut oportet ignorari, quia qui nescit, quid vel qualiter⁵ petere debeat, evenire potest, ut male petat, et ideo quod petit non accipiat. Videtur enim male petere et qualiter petat ignorare, qui deum quem orat non sic orat, sicut docuit orare. Nam in tota evangeliorum serie nusquam invenitur, quod dominus noster Iesus Christus se docuisset aut iussisset⁶ orare, quin⁷ potius cum de oratione ad deum facienda sepiissime loqueretur patrem orandum, patrem petendum, patri supplicandum eumque in omni necessitate monet esse rogandum; sibi quoque similiter ut ceteris, quasi per se nihil prestare posset, patrem censet orandum, cum hoc fides nostra firmissime teneat, quod sicut una patris et filii est divinitas atque substantia, sic amorum sit una eademque potestas, et orationem, quam unus dedit et docuit, ambo simul exaudiant, quoniam ut daretur et doceretur simul ambo voluerunt. Sed videtur quasi non licere idem ut aliter oretur, quam pater in orando invocetur aut aliud ab eo petatur, nisi quod filius in oratione quam docuit monstravit esse petendum, ac per hoc qui aliter aut aliud petit iuxta beati Iacobi verba male petit et ideo non meretur accipere quod petit. Paulus quoque apostolus idem significare videtur in eo quod dicit: 'Quid oremus sicut oportet nescimus'. Quando aliud aliquid quam dominica oratione continetur

1) 'videlicet' am Rande, von anderer Hand. 2) Ep. 4, 3. 3) C. 8, 26.
4) 'Hic' Hs. 5) 'qualiter' am Rande gleichzeitig für 'quale' im Texte verbessert. 6) 'iussisset' Hs. 7) Vor 'quin' steht über der Zeile 'et' von anderer Hand.